

沅陵縣志卷三十一

人物二

國朝

瞿應頡少嫻韜鈴以志節自命順治丁亥瀘溪有好民姚啟唐啟虞者煽亂連苗而起剽則玉石俱焚守則饋運繁費於是辰沅靖道范某奉命招撫應頡為本道中軍守備因請身入賊巢開誠勸諭連招四十六寨賊黨解散殆盡至密登將近賊巢賊見黨與瓦解恨應頡遂詐聽約束誘而擒之應頡挺然不屈至死罵賊不已居民義之為殮瘞焉子增生龍升孫附生佐尋得其處築墓

沅陵縣志

卷三十一

人物

勒石記之雍正間祀忠孝祠

省志

府志

舊志

夏可升順治丁亥黔兵王進才馬靖忠攻陷城邑可升以候補郎官奉辰沅靖道范某檄備禦沅黔慷慨赴義戰歿於陣范某憐其義為殮葬之後其孫庠生禹德過黔勒碑以誌其墓

省志

府志

蕭露洽字適生府庠生性耿介與人交非誠敬相接輒拂衣去又持論多迂濶眾笑以為騃其家居奉母命惟謹順治乙未間辰地兵戈未靖奉母逃避山谷奔走供食忽兵人山繫其母與弟去露洽聞知走武陵尋母弟所在徒跣號呼遍告人懇以身贖有孫中軍者為之心良



助金贖歸一時咸稱其孝後屢試不第竟賣志而卒雍  
正間祀忠孝祠

省志

府志

舊志

潘亮淵字敬公號月山生於萬歷丁巳年十八爲諸生得  
唐九官爲師探討淵邃博極羣書爲古文得韓歐筆意  
於高山流水時有會心兄弟二人其季幼爲兵據亮淵  
四處訪求得之於蜀年四十有七矣乃娶妻產子而亮  
淵亦至四十後始產子先居黔陽後移居舒溪舒溪山  
水菁華盡爲亮淵發之年八十始居潘溪九十有一而  
終所著有月山堂集

府志

馬上彥字聖先幼穎悟多才每試冠軍其文亦嘗售矣遭

沅陵縣志

卷三十一

人物

時變亂走滇黔間吳逆平後督撫委署三泊令後棄歸  
屏居白田築茅廬作咕嗶聲諸英少過而問業雖年逾  
八十不以倦辭間有撰述亦不存稿然其筆力甚古健  
也品行端方共推典型尤人所交稱者

府志

袁文明字慧生歲貢生魁梧倜儻邑有大工役皆爲調度  
排難解紛無不折服喜濟人之急傾囊以助不自知其  
餅壘之罄也屢困棘闈晚膺歲貢不樂仕進嘗聚生徒  
錄先儒格言相勸勵學者宗之年逾八十卒

府志

魏進歲貢生年少負才文思泉湧人多畏服其弟建字千  
牧亦多才每作輒自命中後皆死於兵

府志



魏繩德字右丞性豪放嗜古詩文浪遊吳會凡經過皆有  
題咏著汗遊集四卷晚年寄居武陵西泖又著西泖集  
年高業富學者宗之 府志

瞿列秀字太和歲貢生有才學受業者知名甚衆性清潔  
自守當變亂後老成凋謝邑人咸以碩果推之 府志

龔承寵字三錫性樸魯狷介喜讀書淹貫博洽每試則千  
言立就爲辰郡冠當亂離時逃竄山谷必手一卷吟哦  
聲不絕徃徃爲兵所繫雖備極困苦終不改也性篤孝  
年五十餘教授城中以供母甘旨必備郡丞王賜鼎爲  
母壽徵文多不愜意有丐於寵者賜鼎得之嘆賞卽屏

沅陵縣志

卷三十一

人物

三

車從徃謁及館而寵避去曰家貧母老勉事舌耕耳當  
道逢迎我不願也門人盧甲先舉孝廉來謝寵曰涵養  
滋培方成偉器炫才暴技必非大儒因取一絹曰以此  
爲我母壽足矣後母歿廬墓而終 省志 府志 舊志

廖尙選百歲翁廖漢文之裔也少失恃母見母遺鏡輒對  
泣不食父問之曰母面如在是以泣及長家貧貿易以  
供父每旦夫婦起候寢室外必奉盥進湯問所欲而退  
父患癰弗瘳尙選日浴患處吮之再四而愈父喜施予  
尙選卽多製衣衾並置錢以資其用時人爲之語曰廖  
公被人人濟有子繼廖公服人人足有子續年四十忽



病危知不能生乃衣冠拜父堂上泣訣曰兒不能養父老報父恩自今惟魂侍父側耳解所常服衣以衣父復誠妻與子曰若善事我父我死瞑目矣長嘆而卒聞者爲之悲悼交口稱孝子云雍正間祀忠孝祠

府志

向夢熊字奎元康熙癸丑逆賊吳三桂犯順煽動湖南辰州遂爲所踞征賦繁擾誅求凡數十事富民不自保貧民不自存如是者六年吳逆死已未餘孽退保辰龍關立柵清捷河四野淫掠委骨成邱晝霧如夜民大苦之如是者又年餘是時綏遠將軍蔡毓榮營於太平鋪相持久無隙可乘於是向夢熊與王玉美蔡斗還投營請

沅陵縣志

卷三十一

人物

四

見日間道有三左右襲之關可破也將軍喜庚申三月初九夜向夢熊令僕可隨至毛板衝最高處舉火爲號而令王玉美引郭總兵軍出澹溪繞清捷河後蔡斗還引桑提督軍出細溪右夢熊自引蔡將軍軍出高崖左賊從夢中起三軍夾攻之人不及戈馬不及甲清捷河與辰龍關遂斷而爲兩蓋攻之年餘而不得間者一鼓而捷矣十四日師入辰州授夢熊中軍守備辭不就賜王玉美蔡斗還可隨金各五十斤由是民始知有太平之福夢熊居家孝友子孫甚衆讀書有成進士者馳贈夢熊文林郎玉美斗還俱任界亭後裔皆盛可隨壽至



一百有八歲

省志

府志

康仲瑋字次琦髫年補博士弟子員赴棘闈不遇康熙四十八年歲貢訓導永明為人敦倫飭紀遊其門者皆循循善誘二弟仲德仲岱皆守義自重博聞強記工詩學精書法家雖貧而花晨月夕兄弟把酒唱和吟咏一堂怡怡然天倫樂事也仲瑋所著詩文尤富不自收拾故存者無幾

府志

向濤字乘風康熙五十五年歲薦任藍山訓導乾隆丙寅補長沙府學以姪廷柱為教授故益陽持躬有道課士有方一動一言學者奉為楷模卒於任士子無不感

沅陵縣志

卷三十一

人物

五

涕

益陽縣志

省志

黃道恒字聖基文焯之孫幼遭吳逆之亂率家人避居桃溪祖塋下立柱崑中結廬讀書今人呼崑門山是其蹟也既餽於庠出入經史吐納風騷每當棘闈來往洞庭驚阻者屢矣浩然與友朋嘯歌不甘自擲康熙五十九年貢入太學所著鶴麓堂小草清逸有致卒年八十餘

府志

志

姚大焯字方升幼穎悟誦讀不間寒暑非飲射讀法未嘗一至公庭康熙丙寅拔貢中丁卯舉人未仕而卒

府志

唐永彰字玉安與兄拔貢永彭壘篋迭奏數十年不替居



鄉非有事不至城市試輒冠其曹雍正元年拔貢五年保舉孝友端方六年發往河南以知縣用授寶豐令寶豐舊爲二程講學地祠像久廢彰修之率邑人弦誦其中立三法日經學日吏治日文藝五年之間政聲大起至於除陋規省鹽價勤聽斷簡獄訟使民務知本業邑民郭盡忠生一子爲妖所惑控於彰彰親詣盡忠家視之妖遂息寶豐之民奉爲神君久之致仕歸年七十卒

省志

府志

曹宏勳字伯猷以行伍歷官千總雍正八年開闢永綏苗境宏勳先往化導諸苗帖服隆團汎居羣寨之衝地險

沅陵縣志

卷三

人物

六

苗衆頗難防衛以宏勳爲守備鎮之會黔苗亂大兵征討而永綏地屬唇齒得保無恙事平立保甲通貨財以爲善後乾隆庚申擢都司而宏勳死苗民甚感之

省志

府志

志

李世烈秉性樸實家貧不讀書不識字年十二喪父十六而八旬祖母又死母年三十弟世勳幼穉無知母哀痛迫切目失明世烈多方調治虔誠默禱三年復如故孺慕終其身雍正九年縣令趙念曾以純孝可風額其閭

文案 省志

府志

萬民瞻字世欽任辰州協標千總素驍勇雍正十三年貴



州苗叛奉調隨征奮勇敢戰累有殺獲某月十八日師駐橫塘苗伏眾來誘民瞻率眾逐之中伏為所害事聞予恤廕其子盡仁為把總

省志 府志

黃朝賓字子嘉性醇厚敦孝友弱冠入泮食餼屢試見賞而終不售去家里許依山臨流築芳齋為講讀地四方就業者嘗數十人其為教先倫常後文學與之談道連日不倦偶涉世事輒謝絕需次為貢生而卒人咸惜之

府志

黃宗字服章道恒子也讀書敦行父工詩善飲每花晨月夕宗輒延致執友捧觴侍硯以承父歡父歿侍母左右

沅陵縣志

卷三十一

人物

七

不稍離母間發心疾宗終夜撫摩不稍懈母八十五以壽終宗時已六十哀號一如父喪時值忌日必祭必泣父所遺詩文集皆其手錄也卒年八十三歲鄉黨稱之

府志

向廷柱字砥中號鐵菴性曠達風流能詩文推父母愛子之心以愛弟教讀婚娶皆自任之兩弟早逝撫遺孤如己出乾隆丙辰舉於鄉壬戌成進士授長沙府教授見諸生以讀書敦品為言不以贊為輕重故居官長貧壬辰長沙饑廷柱奉大吏命日馳一馬曉富民皆樂輸以濟賑丁母艱服闋補永州府學泮其化者亦如長沙諸



生作盛德詩咏之三載遽卒惟以不得終事父爲憾舟  
過長沙多泣弔者所著有鐸湘集永奇集鄂行吟水陸  
所見集並藏於家 省志 府志

李茂林字密生四歲失怙與七歲兄似林依於孀母郭氏  
稍長就傅隱署父字案頭對之若聞督教十歲餘卽有  
文名應童試三冠其曹首拔食餼凡有試必居首其文  
傳誦楚南年五十未嘗一赴鄉闈母勸之則曰兒幸生  
太平世名可徐圖母之年可復得耶著學庸註疏二論  
幼解乾隆五年貢成均優游林下樂育後進口講指畫  
聞者無不滿意以去年七十餘卒 府志

沅陵縣志

卷三十一

人物

八

魏紹字念遠居浦市家貧饔飧不給其妻韓氏勤女紅以  
佐之苦志潛修足不踰戶雖饑寒交迫而弦讀之聲不  
輟中乾隆辛酉舉人乙丑成進士任常德府教授以端  
品崇實造士士爭頌之三載卒於官囊篋蕭然妻子仍  
歸而食貧 省志 府志

姚明性字誠哉幼聰慧熟於五經如夙誦年十三入府庠  
十四食餼十六中乾隆辛酉科副榜肄業太學授新甯  
教諭卒於官年三十有六初明性敏而好學夜蓄雞牀  
下聞雞鳴輒起讀故其淹博不可及云 府志

謝純臣字蓋侯早失怙事兄甚恭篤志於學餼郡庠乾隆



八年貢成均由城徙居於鄉奉母氏何朝夕舌耕不離  
膝下者三十餘年鄰家火母病臥純臣哭顛天風反火  
熄母九十五以壽終葬之近處朔望省塋哭泣而返生  
平好義舉晚年見子孫五代近百口同爨不析作十二  
忍詞以化導其家時時縷晰而詳明之一家讀書之聲  
濟濟盈耳入庠序者居其大半壽八十有五卒間爲詩  
歌冲和恬澹人咸服之

省志 府志

韓嗣晉字東昇家貧讀書自好教授生徒動必以禮餼縣  
庠試輒先其儔所訓弟子多通人姪价其著也學官有  
公事縣令趙念曾命嗣晉任之非是不出乾隆七年貢

沅陵縣志

卷三

人物

九

成均尋卒价字維藩中雍正壬子鄉試爲福建鹽大使  
調霞浦知縣卒於官爲詩清酒如其人

府志

晉啟祥九歲失怙水漿不入口三日哀毀如成人四兄皆  
遠賈啟祥事孀母未嘗離左右四兄繼歿母以哀慟失  
明啟祥餽之三載忽明母病劇求以身代有夢佛送藥  
之異病遂愈乾隆六年旌建孝子坊祀忠孝祠

省志 府志

董大猷歲貢生性樸實言動不苟讀書外無他事兀坐書  
齋衣冠必整雖酷暑不懈其嚴正如此八十餘卒

府志

陳良猷字瑱友選貢生好學慕義康熙十四年有江右書  
賈全天付避兵洪山倉卒中遺銀良猷亦避其處有僕



拾得之良猷命僕還之其囊縫線如故天付欲分半以贈不顧而去良猷善詩文授徒甚衆人稱爲經師卒祀

中義祠 府志 舊志

郭鎮邦字太甯貢生郭維藩長子也天性孝友家頗充裕而好施予又不欲居其名嘗見鄰里無資者卽貸之年終不能償則曰以待來年久之見貸者反避冬見無衣者媿言曰得毋寒甚我有衣聊以禦寒人有索債者輒以溫語排解或代償之祖業外不事購求年七十餘卒子于偉孝友亦如之鎮邦祀忠義祠 府志 舊志

李鳳習字數飛父庠生應俊患風疾苦踈醫習事之維謹

沅陵縣志

卷三

人物

十

馬底驛爲雲貴孔道舊無橋康熙四十八年習倡爲廣濟橋五十七年大水橋壞修之如舊其生平義舉多類此當道旌爲善人六十餘始生二子壽八十五卒 省志

府志

李魁春字在上重義輕財伯父鳳習所創廣濟橋壞春捐金修之虎谿書院闕膏火春捐五百金爲倡歲暮嘗施棉衣數百件行之三十三年無間當道多重之中康熙

癸卯武科任太倉州衛千總致仕歸卒於途

省志 府志

周濂字叔似邑庠生幼穎悟讀書過目輒記且才思敏捷下筆立就應童子試郡侯劉雅菴以大器卜從遊津授



徒不問東脩邑人多所成就年四十三卒 舊志

向國鼎字燮元歲貢生純厚自愛不履公庭惟篤志詩書

以教授生徒為業人稱其才學 舊志

李嘉錫字玉琳祖遺房屋讓與弟姪奉父母別居施衣施

棺周濟危急甕子洞辰灘之最險者嘉錫捐百金助修

建石家橋新龍橋天全橋共費八石餘金邑侯趙念曾

旌之晚年足不履城市訓子孫以孝友卒年八十有四

府志

李象琮字爾璧少失怙善事孀母弟早逝撫姪如己子督

理虎谿書院膏火捐砌院前坡級他如開文昌門修府

沅陵縣志 卷三十一 人物 七

學琮皆與焉與其妻袁氏同年月日生亦同年月日死

壽八十有六 府志

龔世遠三歲出繼叔父國鳴國鳴嘗酒後撻之世遠惟抱

足慟泣母黃臥病八載日夕哀禱祈以身代黃歿事繼

母歐尤孝居父喪三年日絕葷酒雍正十一年旌祀忠

孝祠 省志 府志

毛國芳邑庠生年十五喪父手摹父像供之書室每讀書

輒哀慕流涕嘗奉父像至墓所祭奠歸途遇暴風舟覆

同舟者皆溺死國芳抱像獨全母病利下嘗糞以驗瘥

劇乾隆六年旌祀忠孝祠 省志 府志



潘正琥字元文年十二父大義死於永順母沈氏攜琥扶  
榭歸見灘險歎曰安得積善者而修之邑人陳名揚妻  
宋氏撫孤十五而夭投於纒沈救而衣食之乾隆元年  
瘟疫通行沈捐二百十金買棺濟人人有火災輒購水  
滅之後以壽終永順同知朱汝珩銘其墓正琥每語及  
必號泣伯父大禮無嗣流落他鄉琥迎養之乾隆十八  
年修理北河險灘至西陽州六百里計工四年又自郡  
城下至清浪灘計程一百八十里計工六年其間爲橋  
者二十有六爲灘者七十有二而改鬼門灘爲太平灘  
功尤大巡撫陳宏謀巡邊至面加獎許他如瘞過客李

沅陵縣志

卷三十一

人物

三

某屍賑李清流等饑還印俸之遺金樂善不倦至老彌  
篤人皆謂之潘善人

省志 府志

冉永超字則天乾隆癸酉鄉舉先是登拔萃科緣會覆中  
丞某訾其疎野同時被黜者五人俱於是科獲售永超  
讀書嶽麓時掌教曠敏本重其學行與蕘酒論文無間  
日後屢上春官不第選攸縣教諭從之遊者皆務爲實  
學生平著作甚富至今人得其一藝爭傳誦之

續

石昂乾隆乙酉舉人知河南林縣事有政聲日夕視事不  
倦致仕後邑人有過林者聞父老云終石公任無久滯  
之獄無不白之冤此可見其留心民事矣年九十餘卒



子虎文嘉慶丁卯舉人品端學粹亦不愧於科目云續  
修廣仁字靜山乾隆丁酉拔貢江西吉水縣丞陞靖安知  
縣以廉能著士民德之卒於官扶輿歸葬之日遮道祭  
奠者絡繹不絕續

呂正年字遐齡號野泉邑之荔溪人文思敏捷日可成十  
數藝讀書嶽麓試輒冠其曹省垣爲之名噪乾隆庚子  
舉於鄉屢赴春闈不獲售選授益陽教諭卒於任所遺  
制藝甚富今猶膾炙人口云續

羅廷弼字殿三乾隆戊戌傳臚由侍衛官甘肅靈州叅將  
訓練有法常以忠義爲士卒勗嘉慶元年教匪擾鄂廷

沅陵縣志

卷三十一

人物

三

弼奉調赴軍前所向有功先是廷弼幼時居鄉家有所  
畜小牛嘗挾以過溪牛漸壯實而廷弼之力已辟易千  
人矣迨戊戌傳臚遂有力雄七省之稱故廷弼每戰時  
所持大刀重九十斤賊遇之輒披靡八月初八日轉戰  
至鍾祥斬馘千計賊大敗時秋山慘淡陰雨霏霏悲風  
振林木炊煙不起廷弼挾刀帕首馳怒馬追賊至土門  
冲賊伏十餘人於橋下伺其過潛揮矛刺之洞腹腸突  
出廷弼裂甲裹之盡殺所伏賊復追賊十餘里振臂一  
呼鳥獸驚逸斬三人級奪赤幟二割大裂乃還諸將士  
環泣守之廷弼謂曰平日以忠義勗汝曹吾今得以忠



義自全矣復何恨汝曹勉殺賊毋使有噍類也言訖而逝賊聞之喜曰今不復畏大刀也事聞贈總兵銜

賜祭葬如例議給雲騎尉世襲長子萬通襲職次子萬坦以襲官都司

續

毛經字肇修邑明經品端而勤於學連不得志於有司遂以鄉祭酒終百年來鄉後學舉其名者皆以爲老成德

範云

續

黃似瑤字漱玉號三嵎宋之孫也篤性孝友卓有祖風善書法摹南宮得其神似留心世故不專事詞章乾嘉之際值苗變由廩貢生膺諸大帥聘投筆從戎歷襄雲南

沅陵縣志

卷三十一

人物

古

貴州湖北軍務事平以貴州布經歷用任羅斛州判三足望州同歸化通判陞定番州知州遷朗岱廳同知歷署八寨古州同知平越府知府下車伊始卽訪問疾苦與民休息其滯獄沈寃立爲判雪黔省晉稱爲黃青天遊宦半生不名一錢嗣卒於官以囊橐蕭條不能歸葬其子弟之隨任者遂入貴筑籍嗟乎世之居官者或以擁厚貲懼爲親友稱貸不肯回或以貪墨敗遂長流落似瑤之後獨以貧故廉吏可爲而不可爲其信然與

續

王本遠字萬殊號古華邑庠生勵志讀書務爲有用之學乾隆季年苗匪滋事本遠發憤上平苗策制府畢沅時



延與語居常訥訥如不能出諸口遇有危疑發一言而  
卽定其剛決又如此晚年尤篤於學著有太極圖解易  
卦解甲乙丙丁說以乏貲不能梓行識者惜之續

龔元燮號梅岑為邑宿學屢困棘闈年八十五應道光辛

卯鄉試恩賜副榜秉性嚴毅後進有失檢者輒面斥不

少貸長於詩著有梅岑詩草梓行九事之有關世道者

輒識之著見聞錄邑乘內多取徵焉老成典型庶幾近

之續

張志遙字鵬翥號九亭邑廩膳生工詩文有聲於庠屢薦

秋闈以數奇不見售從之遊者取青衿如拾芥孝廉章

沅陵縣志

卷二十一

人物

十五

仁溥其翹楚也設帳藍溪十餘年嗣解館歸走送溪干

者百數十人其致人愛敬如此性剛直不輕然諾邑諸

公舉率以身先鄉里倚以為重年逾強仕卽赴修文人

咸惜之生子二長開泰廩生次開謨恩貢生保教諭歷

署東安桂陽綏甯學孫曾林立亦先後遊泮其餘澤蓋

方長云續

修安民字福蒼恩貢生性淵默無塵囂氣母孟氏年逾耄

安民亦屆古稀依依膝下人以為有老萊子風治家嚴

整雖婦孺亦知敬畏從之遊者必勗以敦品其師範亦

可欽云續



魏廷椿字德齡邑貢生敦品績學讀書嶽麓十餘年屢薦  
秋闈嘉慶戊午科已取中以春秋文用胡傳語有礙時  
禁不獲售遂歸授生徒以鄉祭酒終力行善事老而彌  
篤其倡捐惜字紙費放生費施衣施茶費修荒塚費迄  
今數十年人猶踵行之卒年七十有九

續

李沅訓字伊卿號詠泉嘉慶癸酉選拔初司鐸安化旋受  
知總督裕泰升黃州教授博洽工文與新化鄧顯鶴甯  
鄉黃本驥湘潭張家渠齊名稱湖南四才子韻語胎息  
漢魏寢饋感唐故發而為言氣象深微魄力沈着卓然  
名家嘉慶間重修省志當事聘之分司纂輯工書法人

沅陵縣志

卷三十一

人物

夫

得其零紕斷紙爭寶貴之著有西腴山館詩集待梓無  
子立姪高崑為嗣女蘭仙篋秋筠仙皆能詩載湖南女  
士詩鈔而筠仙割臂醫母其孝行為尤篤云

續

章仁溥字汝霖天性冲和行誼端謹事母以孝聞嘉慶戊  
辰舉於鄉選湘鄉教諭諸生樂從之遊今大學士侯曾  
公國藩及門愛業仁溥一見大異之退謂人曰此生必  
為國家棟樑惜吾不及見耳後陞任長沙教授造就尤  
多年七十餘卒於任湘人至今猶稱頌之

續

王友恭字湘槎邑貢生三副拔萃一舉孝廉方正科以數  
奇幕遊楚南北當道欽其品學爭延致之秉性和藹不



爲崖岸之行學問淵雅著有小自在山房詩文集梓行  
於世書法圓秀仿趙文敏詩善於言情寫景其格律在  
王孟白陸之間晚年悠游里閭後進有能韻語者樂與  
唱酬其以小自在題集不信然與續

李芳璧字玉亭邑貢生藍溪人秉性孝友而篤於學甫冠  
補弟子員旋食餼時牒未申適母某氏以中暑遽卒族  
人謀申牒而後報喪方璧慟哭力持不從竟先期以訃  
聞藍溪之讀書者欽其品學俱從之遊屢赴棘闈不獲  
售以鄉祭酒終續

劉世軒字翥鷺邑廩生生平敦品勵學言動不苟教生徒

沅陵縣志

卷三十一

人物

七

以敦倫爲務聞者感動撰家訓十六條以訓子弟性至  
孝年二十六喪父事母曲意承歡備盡色養家素貧亡  
食粗糲奉母必精腆母病常焚香祝天願減算以延母  
齡母歿後葬祭盡禮終身追慕不衰欽其行者欲爲舉  
孝廉力辭不就年六十而卒續

石光湘字鵬霄生平無苟得無妄笑言閒居獨處未嘗跛  
倚鄉人有悖於理者懼其事聞於左右父兄勉其子弟  
率舉以爲法年四十貢成均時道州何文安公凌漢爲  
祭酒深器之及文安督學山左招致幕中嘗日以子文  
章事業他日當笑過老夫豈域於此哉後卒不售選麻



陽教諭學者咸以爲矜式在任三年卒於官年八十餘  
縣令爲治其喪諸生爭賻之

續

韓啟樞字硯仙道光乙酉選拔乙未京闈中式學行純粹  
容貌端嚴生平與人無欺應事惟謹以教習司鐸宜章  
歸主講虎谿書院從之遊者多所成就爲廣文時保薦  
知縣以親老乞歸克遂終養有志續修邑乘纂輯大畧  
未成而卒子承煊承煦承焯俱列膠庠煊子曙東同治  
丁卯舉人爲能繩其祖武云

續

姜心調字夔石貢生邑之舒溪人學問淹雅屢薦不售以  
家貧舌耕多所成就早失怙事母極孝歲入束修悉以

沅陵縣志

卷三十一

人物

六

奉母分給諸弟每旦起候寢室外奉盥進湯已問母所  
欲必力營致之藉博母歡族黨咸稱其孝

續

宋啟祥邑明經以友愛聞里黨無間言所積束脩金數千  
其弟某悉取之祥不與較也爲鄉祭酒有年成就者甚  
多

續

王廷鳳字鳴九邑文庠性耿介業舌耕食指林立貧不苟  
取遇事慷慨侃侃談是非立剖人咸信服郡中修文廟試  
院書院育嬰堂及諸義舉皆首其事郡伯雷震初慕其  
品學延主講酉陽書院訓徒先敦品行於孝友尤殷殷  
誨誠晚歲操守彌篤里黨莫不仰重歿年七十真不愧



爲先型宜後嗣隆隆日起云續

張開甲字鼎臣邑貢生性溫厚事親尤孝少極貧從族叔廩生志遙讀嗣志遙館於鄉念開甲親老不可曠定省命別從師束脩費俱志遙任之遊泮後卽舌耕從遊者甚衆以鄉祭酒終人咸推爲長者其長子炳文亦貢生爲能綿其世澤云續

許文燿字震川號訥泉邑武學生祖朝元用勤儉起家能和輯諸季均財產父成琳邑文學生讀書灌園不履城市鄉里有善人之目文燿秉性慈祥而才識英敏喜讀書與弟文熾同居六十餘年友愛甚篤人咸舉以爲式

沅陵縣志

卷三十一

人物

十九

教子孫一秉於禮雖總角之童亦循循有法度族姓有貧無以自給者量其才質俾各成立如從孫庠生顯榮拔貢生江西候補知縣顯華其尤著也邑向無多公事自文燿等始次第舉行如書院義倉育嬰堂試院賓興費龍吟塔諸善事當道傾心任之文燿亦盡力爲之今公事得以井井有條者皆其手定也咸豐四年粵匪陷常郡辰民間變胥驚徙地方匪類幾乘間生亂文燿督率鄉勇晝夜巡緝始獲安堵年六十有七卒易簪時猶喃喃語義倉育嬰事不及其私後以子光曙貴贈中憲

大夫續



蕭開甲字聘齋少儻有大志道光十一年由行伍隨征常甯之洋泉屢奏功績賞戴藍翎嗣又從征廣東粵督李公鴻賓見而奇之拔補把總旋師後升古丈坪千總三十年粵西髮逆事起開甲帶汛兵奉調赴粵嗣賊竄長沙破武昌直趨江南開甲隨大軍追襲力戰有功補鎮守備旋擢前營都司賞戴花翎時賊欲張甚皖南北諸郡縣率爲賊陷開甲連復數城遂擢廣西平樂副將並請以總兵記名署安徽壽春總兵開甲益感激憤勵時以滅賊爲念故所向有功賊殊畏憚其竊據江北者恃廬州爲重鎮大帥念開甲善戰檄率所部爲先隊

沅陵縣志

卷三十一

人物

三

攻一晝夜城垂破而左右軍倏退賊開城迎敵開甲殊死戰陣斬數十人殲賊渠一二適所乘馬憊而身復重創遂及於難諸大帥知之嘆悼者屢日皖撫翁公同書聞於

朝下所部議給騎都尉世職

賜祭葬如典禮諡曰忠壯祀昭忠祠

續

周昌發字盛侯弱冠充新甯江中丞忠源親校性慤直有膽畧中丞倚重之咸豐三年冬賊圍中丞廬州昌發奉檄絕城促援兵未反而城破中丞已殉節死矣時中丞昆弟及諸大帥募有能出中丞尸者賞千金獨昌發慨



然請行衆危之且詰焉昌發曰賊情殊狡某敢知其必濟第以公剛氣毅魄必不埋沒於荒煙蔓草中與羣賊爲伍某受公恩深請以死報大帥壯其言搜軍中所得賊衣甲飾裝而入城賊帥留之帳下實羈縻之也昌發隨賊帥巡視水西門見積尸枕藉意中丞尸必在此見有欲卧塘側者狀類中丞而未敢諦視也越數日昌發受役水西門趨赴塘側審察之果是拜且泣四顧無人急扶置僻處解衣覆之以物識焉且相度城垣可以潛越者俟隙而動一夜黑雲四塞雪大如掌昌發負尸纒出先是有阮得勝者陷賊中爲守陣昌發陷以金乃與

沅陵縣志

卷三十一

人物

三

共逃時城下布箐如筍輒穿其足且拔且行經賊營犬聲勃作而邏者適來昌發默祝曰事苟敗昌發不足恤如公尸何願乞靈護焉俄而邏者繞道去犬聲亦噤乃得出賊壘達大軍大帥嘉其功以藍翎六品保奏賞金如約固辭不獲乃受半又分其半以與阮由是名噪一軍五年復廬州昌發先登保都司賞戴花翎後率所部二百人與賊戰受創傷甚重沒於廬州時年三十二云  
瞿士濂字蓮舫幼慷慨不拘小節道光末年棄武生入粟爲縣丞得歸湖北補用咸豐二年賊陷武昌三年復其城士濂亦任事有功九月賊復窺武昌士濂驍勇善戰



大帥檄令督湘勇士濂獨當賊壘而軍先後十餘戰皆  
勝十月圍解論功委署漢陽縣丞督湘軍如故時寇氛  
徧皖鄂其據黃州者尤衆十一月督帥吳文節公文銘  
統大軍勦賊黃州士濂隨行四年正月賊圍督帥營數  
重諸軍無敢援者士濂獨率所部往呼噪而前與賊鏖  
戰一晝夜破圍入謂督帥曰賊衆我寡潰圍殊不易某  
受公恩深請先公與賊戰公隨之出而以大軍繼其後  
或可濟也乃復呼噪出賊披靡士濂以身翼督帥且戰  
且走殺賊數十人將出賊圍矣而所乘馬陷入泥淖中  
羣賊攢矛刺之士濂顧督帥曰某不能復衛公矣請從  
死

沅陵縣志

卷三十一

人物

三

公難報公且以報國遂與督帥同沒於陣中時正月十  
五日也巡撫上其事於

朝議給雲騎尉世職祀昭忠祠姪高魁聞訃趨赴鄂尋士  
濂遺骸時賊據蒲圻咸甯等處高魁謁撫軍胡文忠公  
林翼於京口命高魁入撫標禁字營爲中營哨官於克  
復蒲圻得以藍翎把總保用五年十一月高魁攻賊咸  
甯亦沒於陣部議給予雲騎尉世職同祀昭忠祠

續

張化興字晉賢以子本先貴封奉政大夫家素豐其祖若  
父俱好善樂施與至化興不稍衰性和易不與人競遇  
有變故輒出排解之道光季年鎮筸兵以悍聞會來辰



撥餉知府某堅不與鎮兵諱禍幾不測化興赴府爲析利害給庫款患始靖其應變之才他多類此每歲終有來告貸者輒量其家口多寡酌給之不取償復篝燈徇巷行聞有家人交謫聲輒自門隙擲銀入疾趨避不令人知倘所謂陰行其善者與續

李光明字玉山邑之浦市人慷慨好義地方倚以爲重浦爲邑菁華地凡有捐輸暨大興作必取給於浦光明恒極力勸助家固素封以周濟貧乏致中落卒之日遠近來弔有莫識其姓氏者咸豐十一年髮逆焚浦市距光明死已閱數年獨於所居室相戒不敢毀其幼孫某被沅陵縣志

卷三十一 人物

二十三

擄詢爲光明後護送歸之其行誼之善近今蓋不數觀後以子溶貴贈奉直大夫續

楊正華字廷秀性喜施予兼習岐黃家言凡遠近延請無論貧富悉往治其尤貧者贈金爲藥餌資事母尤孝每冬夜卧母榻俟衾褥温乃起請母睡後其子大謨長請代父温被正華弗許曰吾有母當盡子職雖汝代吾職終未盡也母病目失視正華餌之三年復明人以爲孝行所感續

楊萬銘字德魁性孝友以勤儉起家撫從子壽崧凡事視如己子迨崧遊庠食餼選永州訓導始析產性好施予



急公義邑有大興作銘必首捐以爲倡以故府縣學宮  
義倉試院皆竭力助之不下數千緡知府雷成樸以好  
善樂施旌其間居家有法門以內秩然也年九十六卒  
後以孫昶貴贈奉政大夫續

李應占居浦市事母盡孝咸豐十一年髮逆陷浦占負母  
趨避嘔血身死其母康氏好善樂施所費亦鉅同治六  
年市東橋爲水所潰康獨力成之市人題曰康安橋續

張正璉字玉明好行善事有貧不能殮者輒以棺給之嘗  
齋戒製藥以濟人全活甚衆復獨力修治津梁開闢山  
徑建亭施茶修塚修寺所費亦鉅年六十九卒續

沅陵縣志

卷三十一 人物

三十四

楊斗南邑庠生居近鄰涼水井遭家中落甘貧守道性孝  
友素有志從戎髮逆軍興遠襄幕政以功保同知銜候  
選知縣奉憲命來常辦置軍裝常辰接壤不敢私歸緩  
公務竟病故於客邸雖非戰死疆場亦歿於王事有子  
德珍能克家由戰功保記名提督現帶勇天津前程莫  
限斗南可謂不死云續

吳諧字金章以子大廷貴贈通奉大夫幼時家窶甚見父  
母勤劬即解服勞稍長益竭力供子職身菲衣食而進  
膳必具甘旨父母歿凡殯葬之事獨力承任不肯累及  
兄弟每遇歲時必親身展墓跪奠墓前淚泫泫下終其